

全華叢書

全華叢書

仁山集五卷

金華叢書

銀鑪開爐

介子集卷

仁山集序

宋儒多言性命之學故兼通經史者
恒不多覲其或湛深經史又好為放
言高論妄逞私臆與古聖賢相刺謬
則其學不純而其散見於文者卒不免
後人之訾議余讀仁山先生集而有異

馬先生幼慧父兄授之讀即能記誦比長
深慕濂洛之傳益自策勵事同郡王文
憲公文憲好高務異先生從之而一軌於
正且私泚何北山所造益邃當宋末兵
戈四起攜眷隱萬山中往々饗殮不繼
抱一編以自娛絕意進取元德祐初詔

起為史館編校辭弗就會襄樊被圍上牽
制擣虛之策不戰而圍解且啟海島之難
易遠近舟舶所經歷如繪非章句之儒
所能道其隻字其著錄者經有大學疏
義論孟考證尚書表注等書史有通鑑
前編皆寄栖巖阿時著深足以見聖賢

之心而大足以揭帝王之要蓋不徒以
追逐風月怡情嘯咏為畢生能事已
也嗚呼先生恬退之風可以法矣按我
朝四庫書目先生集六卷是編雍正朝
先生十八世孫律重刻於家首序者東陽
王崇炳依明宏治間董道卿大令所編文

三卷詩一卷附錄一卷末附柳文肅所撰
行狀文肅先生高弟子祇云雜詩文若
千卷而卷數莫考均非曩日全書余復
重鋟之俾讀是集者知先生經史之學
具有根柢非空談性命者可等論而齊
觀也同治十三年歲次甲戌春三月永

康胡鳳丹月樵甫敘



重刻金仁山先生文集序

金華藕塘金太學孔時仁山先生十八世孫也平日收錄先生遺書若大學疏義論孟攷證既梓而布之矣又有文集四卷屬予較訂予爲之次其編帖政其訛誤與其錯簡重出而更定之蓋將以次授梓噫金氏之子孫多矣而孔時獨能如此真不愧仁山賢裔矣先生文稿凡四種聚而散散而復聚者凡數次其初輯而付之其家者門人許白雲先生柳文肅公也其次購而藏之者吳禮部也又其次之萃散補遺而

傳之者東湖董道卿先生也今於東湖原本之外搜
補遺脫而彙集之者蘭谿章藜照也諸先生於仁山
非後裔也重其文惟恐失之若家寶然凡以性命之
傳一脉相貫不膠而合劈之不開視其人如親授受
於一堂視其文如出之己所欲言其護而惜之若手
足之護頭目噫觀諸先生如此况爲仁山之子孫者
乎仁山先生於彌留之際他事無所囑惓惓以遺文
爲念則凡爲子孫者崇其祠厚其饗不如傳其文爲
繼志之大噫若孔時者真可謂能繼志矣先生之德

行諸先進道之詳且盡無待復贅而予居然敘于首
簡非爲先生序序孔時也且非但序孔時凡欲爲五
賢之子孫者皆如孔時又非但五賢子孫更有望於
葵中之後學有能如吳禮部董東湖者各出其貲力
使五先生之文燦然盡見於一世是則私心所重望
也一國之人才猶黍苗也先賢之緒言猶和風甘雨
也和風甘雨作于上則黍苗勃然興起鐘鏞笙管雜
奏並作則必有起舞而登場者予老且朽尙拭目俟
之

皆雍正辛亥歲孟春東陽後學王崇炳撰

藏板

二

仁山先生金文安公文集目次

卷一

序

通鑑前編序

通鑑前編後序

尙書表注序

送三蘇君序

紫岩于先生詩集序

玉華葉氏譜序

文

祭北山先生文

再奠北山先生文

祭魯齋先生文

又率諸生祭魯齋先生文

奉焚黃告魯齋文

告魯齋先生謚文

祭何南坡文

奠王敬岩文

祭王立齋先生文

縣學立純孝公祠子孫奉安祝文

同汪功父祭康保則

祭葉養志祖母文

論

論虞氏譜系及宗堯論

三監論

郊鯨論

殷人立弟辯